



**Festa da perdanonza a Lumbrein**

Lumbrein ha fatg perdanonza cun ina messa chantada da Musica Vocalis e cun processiuin solemna.

5



**Manuela Orlik sco miss Svizra**

La Sursilvana Manuela Orlik è da la partida tar la concurrenza da Plus Size per la miss Svizra.

6



# LA QUOTIDIANA

Redacziun: Via Sommerau 32, 7007 Cuirà, tel. 081 255 57 10, redacziun@laquotidiana.ch



■ **Ilis giuvenils sesentan bein el Riders Palace a Laax Murschetg.** FOTO A. BEELI

## Migrants e mars vitas

Il parlament europeic da giuventetgna a Laax

■ (anr/abc) Dapi igl onn 1987 s'entaupan giuvenils da treis tozzels tiaras europeicas regularme in ad ina sessiun. Quest'jamna ein els a Laax. Ilis giuvenils da 18 tochen 22 onns han tuts la medema finamira: Il prosperar dall'Europa. La sessiun dil parlament europeic da giuventetgna ha liug uonn a Laax. Igl ei ina assemblea giubilara, pertgei l'uniun purtadra svizra, la EYP Switzerland, exista dapi 20 onns. Ier sera ha cusseglier federal *Didier Burkhalter* rendiu honur als 300 delegati da 36 naziuns europeicas. Finamira dalla dieta internaziunala eis ei da

sviluppar ideas per sliagar problems virulents dil temps. La dieta cun center el Riders Palace e Rocksresort a Laax-Murschetg sededichescha alla tematica dalla persistenza. L'exploziun dil oceans, la migraziun da pievels, la polluziun dall'aria ed auters problems pretendan sliagaziuns prudentas. Tochen avon paucs onns prendeva negin serius il plaid «persistenza», oz eis ei denton ina noziun discutada sin tuts levels. Vendergis proxim presentan las 15 gruppas a Laax lur resoluziuns leutier.

➤ PAGINA 3

DA GION NUTEGN STGIER / ANR

■ **Andreas Caminada dal restaurant da luxus Schauenstein a Farschno è anc adina il meglar cuschinier da noss chantun. Da nov 17 puncts ha retschet Dario Cadonau dal restaurant In Lain a Brail. Cun 16 puncts in punct dapli che fin ussa survegn Corsin Pally per sia cuschina excellenta en il restaurant Casa Alva a Trin.** Noss chantun è anc adina in paradis per nas fins. Almain quai conferma l'ediziun 2017 dal «Gault Millau». Numer in en noss chantun, cun 19 puncts, è anc adina *Andreas Caminada*, il cuschinier lumnezian che cuschina dapi intgins onns sin in nivel fig aut en il restaurant Schauenstein en Tumleasga. El saja veritabel cult, scrivan ils experts. Quatter restaurants han anc adina 18 puncts: Homann's, Samignun, Chesa Pirani, La Punt, Talvo, Champfèr ed il Da Vittorio a San Murezzan. Da nov 17 puncts ha retschet *Dario Cadonau* cun ses team da set cuschiniers. Per sia cuschina da la classa superiura ha il cuschinier dal restaurant In Lain a Brail survegni in punct dapli. Otg restaurants figuran en la nova ediziun dal «Gault Millau»

## Cadonau e Pally sin via all'elita

Il «Gault Millau» 2017 è cumpari



■ **Bunas novas per Lucia Monn e Corsin Pally dal restaurant Casa Alva a Trin. Ilis experts dal «Gault Millau» han valità lur cuschina excellenta cun da nov 16 puncts.** MAD

cun 16 puncts. In da quels è la Casa Alva a Trin ch'è da nov sin quel stgalim, sco per exempel dus dals restaurants dal Palace e dal Kulm a San Murezzan, quai che

vul dir insatge. Dapi intgins onns mainan *Lucia Monn e Corsin Pally* cun bler cor lur manaschi e la buna adressa n'è per ils mangiabains nagin tip secret pli. Plaun-

sieu s'avischinan Cadonau e Pally a l'elita dals cuschiniers grischuns.

➤ PAGINA 2



■ **Il president actual Venanzi Casanova ed il menader dil project futur Elias Soler dall'uniun retscheivan la clav per il success vegnent ord ils mauns dad Andreas Gabriel, vicedirectur Lia Rumantscha (da sen).** FOTO P. DUFF

## Ilis Romontschs dil district da Sargans fan fiasta

■ (anr/ff) Dapi 50 onns exista l'uniun romontscha dil district Sargans e contourn. Ord quella ei il Chor romontsch mischedau dil district Sargans naschius avon 30 onns. Las duas uniuns han pia giu raschun da far fiasta la sonda vargada a Mels. Ilis presents han retschiert in sguard ella historia dil lungatg romontsch. Il linguist e romanist *Valentin Vincenz* ha tratg ils cunfins historics dil lungatg mumma dils presents. El ei sez commember dall'uniun e sesents a Buchs en in territori cun bia historia romontscha. Ord la vischinonza dalla Val dil Rein, dil Voralberg ha *Ulrike Unter-*

thurner purtad salids e gratulaziun. Surprendentamein en in referat en lungatg romontsch. Noss viarva che vegneva era tschintschada en quei territori gauda gronda simpatia ell'Austria occidentala. Quell'interessenza seba-sa sin las ragischs historicas dalla cultura retoromana dalla regiun. Per igl avegnir tschenta l'uniun novas pretensiuns e basegns per saver contonscher novs commembers e saver cuntinuar cun la tgira dil lungatg matern. La gruppa da lavur ha gia dau l'entschatta da sia activitad.

➤ PAGINA 3

## La «Cratschla» tematisescha l'inviern

■ (anr/fa) Duos jadas l'on publichescha il Parc Naziunal Svizzer sia revista d'infurmaziun nomnada «Cratschla». D'incuort es cumparàda la seguonda da quist on. Il tema central da quista revista güst publichada es l'inviern. Ses dals artichels trattan tematicas in connex cun l'inviern. Il prim s'occupa dal clima invernal illa regiun dal Parc Naziunal Svizzer (PNS). Il

prosem da la leivra alba e l'ertz dals tsciervs dal parc ed ingio ch'els passantan l'inviern. I's po leger eir da las observaziuns dal girun barbet fattas l'on passà a la fin da december illa Val Tantermozza. Il tema d'un artichel es la s-chürdüm ed ün nomna co cha la sulvaschina parta la nüdritüra i'l PNS.

➤ PAGINA 9



■ **Ün boc da chamuotsch es intivà in ün orzi invernal.**

FOTO H. LOZZA/PNS

## Preschantaziun dal proget «PostAlpin» a Tarasp

■ (anr/bcs) L'ultima fin d'eivna ha gnü ló i'l Hotel Tarasp ün'exposiziun cun ideas co cha'l center dal cumün pudess gnir reactivà. Il docent *Ralf Michel* insemel cun magisters e students da l'Institut per fuormaziun integrala da la scuola a Basilea s'han occupats da la problematica e preschantà lur ideas. Il proget «PostAlpin» ha cumanzà a Tarasp e vain cuntinüà in oters

lós da la Svizra. In divers locals i'l Hotel Tarasp han interessats pudü visitar las lavuors per reanimar il center a Fontana Tarasp. Lur ideas dessan esser ün inviamaint per animar üna discussiun e per muosar novas fuormas da viver, da lavurar e da passantar il temp liber en in hotel en Engiadina bassa.

➤ PAGINA 9



■ **Per l'avertüra da l'exposiziun vaivan ins inglümä l'hotel.**

FOTO B. STECHER



Servetsch d'abunents e da distribuziun: tel. 0844 226 226 mail: abo@sonmedia.ch





Han grond plaschair dad avair da nov 17 puncts: Dario e Tamara Cadonau dal restaurant In Lain.



Andreas Caminada è in da quels sis cuschiniers che ha per sia cuschina 19 puncts.

# Noss chantun, in eldorado per mangiabains

Il «Gault Millau» 2017 è cumparì



In punct dapli er per per Benedikt Joos dal restaurant Post ad Andeer.

DA GION NUTEGN STIGIER / ANR

■ **La meglra cuschina en noss chantun ha cun 19 puncts anc adina Andreas Caminada dal chaste Schauenstein a La Punt-Farschno. Gist 11 restaurants han retschet dapli puncts e tschintg ustrias figureschan da nov en la «bibla» per mangiabains.** Il nov guid per gourmets, il «Gault Millau» 2017, è ussa sin maisa. El è senza dubi il guid dals mangiabains, ubain il cudesch dals cudeschs per persunas cun buccas e nas fins. Ils 79 restaurants grischuns che figureschan en la nova ediziun dal «Gault Millau» appartegnan tar las meglras 818 adressas che cumparan en quella bibla per mangiabains. Sulet da San Murezzan e conturn figureschan en il «Gault Millau» 2017 gist 28 restaurants, uschia che l'Engiadin'Ota è e resta en noss chantun la regiun da las regiuns cun ustarias cun ina cuschina da qualitat figa. 45 experts han premdi 845 restaurants e lur cuschiniers sur la marella e valità las tragas existentas. Ils experts èn anonims, ve-

gnan senza s'annunziar, examineschan, giuditeschan e commenteschan las top adressas per mangiabains. Quellas persuas èn dentant er criticas e perquai valiteschan ellas er fig rigurus. Cun valitar pli rigurus animeschan ils experts e mangiabains ils cuschiniers da cuschar anc meglier ed anc pli fin.

### En il fratemp cult

In che cuschina gia dapi onns pli che fin è Andreas Caminada, il Lumnezian che maina cun success il restaurant dal chaste Schauenstein a La Punt-Farschno. Gia per la 6avla giada retschaiva el dals experts 19 puncts per sia cuschina exquisita. Cun quai è el in da quels sis cuschinunzs che figureschan en il «Gault Millau» cun 19 puncts u dig auter han els manchentà ils 20 puncts maximalis be per in punct. Ils mangiabains ed experts scrivan che en il fratemp saja Caminada bunamain cult. El saja da cumparegliar cun in star da pop e cun avrir a San Murezzan en il Palace in segund restaurant Igniv suenter quel a Bogn Ra-

gaz «rockescha» Caminada er en las muntognas.

### Strusch in'otra regiun

En noss chantun avain nus 11 restaurants che han retschet almain in punct dapli e quai restitfigescha il nivel aut da la cuschina fina. En tut figureschan en la nova bibla per mangiabains 79 restaurants e da quels han gist 17 tocs 16 puncts e dapli. Segir ch'èn il Tirol dal sid ed en l'Austria ins chatta nagina regiun cun tants restaurants cun puncts, stailas e chapitschas en in culp. Qua ha il Grischun in vair avantatg sin noss concurrents, er sche cunzunt blets Grischuns èn anc adina da l'opiniun che la gastronomia en il Tirol dal aid ed en l'Austria saja la mesira la pli perfetga. Da retschaiver puncts e figurar en il «Gault Millau» na vul betg mo dir ina buna cuschina, mabain er esser gentil, ed er en quella chausa en nosser ospitantes e noss ospitants buns exempels, er senza quel scharm artificial dals Austriacs e da quels ustiers ed ustieras dal Tirol dal sid.



Noss chantun, in vair eldorado per gourmets.



Cun 15 puncts vinavant ina buna adressa è il restaurant Stiva Veglia a Schnaus cun il cuschinier e patron Tino Zimmermann.

## Tuts 79 restaurants grischuns

Lieu	Num	Puncts 2016	Puncts 2017	Lieu	Num	Puncts 2016	Puncts 2017
Andeer	Hotel Post	13	14	Pragg-Jenz	Landgasthof Sommerfeld	14	14
Andiast	Postgliun	13	14	Le Prese	Poschiavo, Hotel Le Prese	14	nov
Arosa	Arosa Kulm Hotel, Ahaan Thai	13	nov	La Punt	Bumanns Chesa Pirani	18	18
Arosa	Arosa Kulm Hotel, Muntanella	14	14	La Punt	Krone	15	15
Arosa	Arosa Kulm Hotel, Stüva Cuolm	15	15	Samedan	La Padella, Hotel Donatz	13	nov
Arosa	Cristallo, Le Bistrot	13	13	Samnaun	Chesa Montana, La Miranda	15	15
Arosa	Tschuggen Grand Hotel La Vetta	16	16	Samnaun	Homann's Restaurant	18	18
Arosa	Walshotel National, Kachelofa	16	16	San Vittore	La Brasera	13	13
Bever	Chesa Salis	14	14	San Vittore	Osteria Fagetti	13	13
Brail	In Lain Hotel Cadonau, Vivanda	16	17	Schnaus	Stiva Veglia	15	15
Brigels	Casa Fausta Capaul	15	15	Scuol	Guarda Val	14	14
Celerina	Chesa Rosatsch, Stivas Rosatsch	15	14	Sils-Maria	Kuhstall	13	13
Celerina	Hotel Misani	14	13	Sils-Maria	Hotel Post, Stüva da la Posta	13	13
Chur	Basilic	14	14	Silvaplana	Albana, Restaurant Thailando	12/20	12/20
Chur	Kornplatz	14	15	Silvaplana	Albana, Spunta Engiadina	14	14
Chur	Obelisco	13	13	St. Moritz	Badrutt's Palace, La Coupole	16	16
Chur	Stern	14	14	St. Moritz	Badrutt's Palace, Le Restaurant	15	15
Chur	Va Bene	14	14	St. Moritz	Carlton Hotel St. Moritz, Da Vittorio	18	18
Davos	Glow by Armin Amrein	17	nov	St. Moritz	Chasellas	15	15
Davos	Morosani Posthotel, Pöstli	14	14	St. Moritz	novCrystal, Restaurant Grissini	14	14
Davos	Hotel Seehof, Gourmet Stübli senza nota	15	15	St. Moritz	Kempinski Grand Hotel, Ca d'Oro	17	17
Davos	Walshotel Davos, Mann und Co.	15	14	St. Moritz	Kulm Hotel, the K16	16	nov
Fisèch	Adler	13	14	St. Moritz	Kulm Hotel, The Pizzeria	13	13
Fisèch	Mühle	15	15	St. Moritz	Mathis Food Affairs	13	13
Fims	Adula, Restaurant Barga	15	15	St. Moritz	Dal Mullin	13	14
Fürstenu	Schauenstein	19	19	St. Moritz	El Paradiso	13	13
Jenins	Alter Torkel	13	14	St. Moritz	Suvretta House, Grand Rest.	14	14
Klosters	Berghaus Alpenrösli	13	13	St. Moritz	Giardino Mountain, Ecco	16	16
Klosters	Alpina, Grischunstübli	senza nota	16	St. Moritz	Giardino Mountain, Guardalej	15	15
Laax	Mulania	15	15	St. Moritz	Talvo By Dalsass	18	18
Lenzerh.	Motta Hütte	14	14	Tarasp	Schlosshotel Chastè	15	15
Lenzerh.	La Riva	15	15	Trin	Casa Alva	15	16
Lenzerh.	Maiensässhotel Guarda Val	16	16	Trun	Casa Todi	14	14
Lostallo	Groven	13	14	Valbella	Seehof	12/20	13
Malans	Hotel Weiss Kreuz	15	15	Valendas	Gasthaus am Brunnen	14	nov
Obersaxen	Central	13	12/20	Vals	7132 Hotel, Restaurant Silver	17	17
Plauun da Lej	Murtaröl	14	14	Vicosoprano	Hotel Corona	13	13
Pontresina	Grand Hotel Kronenhof	15	16	Wergenstein	Hotel Capricorns	12/20	12/20
Pontresina	Walther, Restaurant La Stüva senza nota	15	15	Zuoz	Hotel Castell	13	nov